



RIGSADVOKATEN

Unnerluussisuunerup 2015

–imut ukiumoortumik nalunaarusiaaa

Kalaallit Nunaanni politit pillugit

naammagittaalliuutit suliarineqarnerat



Unnerluussisuunerup 2015
– imut ukiumoortumik nalunaarusiaaa

Kalaallit Nunaanni politit pillugit
naammagittaalliuutit suliarineqarnerat

2015

Rigsadvokatens beretning 2015

Behandling af klager over politiet i Grønland

Publikationen kan hentes på Rigsadvokatens hjemmeside

<http://www.anklagemyndigheden.dk>

ISBN 978-87-994753-2-2 (Internet)

Layout: Rumfang

ISSN 1601-4138

Imarisai

Siulequt	5
1. 2015-imi sulineq nalinginnaasoq.	6
1.1 Aallaqqaasiut.	6
2. Suliat kisitsisinngorlugit nalunaarsorneri aamma naammagittaalliuutit aalajangersimasut	.8
2.1 Politiit pillugit naammagittaalliuutinik aalajangiiniartartut suliaat pillugit naammagittaalliuutit tiguneqarsimasut kisitsisinngorlugit takussutissiaq.	.8
2.2 Politiit pillugit naammagittaalliuutinik aalajangiiniartartut suliaannut tunngasut aalajangiiffigineqarsimasut ingerlasullu ...	.9
2.2.1 Iliusaasut pillugit naammagittaalliuutit aalajangikkat kisitsisinngorlugit	.10
2.2.2 Suliat pinerluttulerinermut tunngasut aalajangikkat kisitsisinngorlugit	.11
2.3 Suliat rigsadvokatimit aalajangiiffigineqartut kisitsisinngorlugit .	.12
3 Suliat aalajangersimasut misissorneri.	.13
3.1 Inatsimmi kapitali 2 – iliuusaasut pillugit naammagittaalliuutit . . .	.13
3.2 Inatsimmi kapitali 3 – pinerluttuleraluni suliat.	.14
3.3 § 17, imm. 2 malillugu misissuinerit.	.16
3.4 Suliat rigsadvokatimit suliarineqarsimasut	.17
Kalaallit nunaanni politiit pillugit naammagittaalliuutinut aalajangiiniartartut nalunaarusiaat 2015	20
Suliaasimasunik nalunaarsuut.	23
Ilanngussat	24
ilanngussaq 1: kalaallit nunaanni politiit pillugit naammagittaalliuutinut aalajangiiniartartut 19. marts 2014-imi ilaasortai.	24

Siulequt

Kalaallit Nunaanni Inatsisartunut, Folketingemut aammalu Inatsisinik atortitsinermik ministerimut

Kalaallit Nunaanni politiit pillugit naammagittaalliuutit aammalu pinerluttuleraluni suliat suliarineqartarnerat pillugu inatsit nr. 905 16. december 1998-ime-
ersumi § 33 malillugu, inatsimmi kapitali 2-mi aammalu 3-mi taaneqartutut
suliat suliarineqarsimanerat ukiumoortumik Rigsadvokatip nalunaarusiarisas-
savai. Pineqarput politiini sulisuusut pillugit sulinermi nalaani iliuusaannut
naammagittaalliuutigineqartut suliarineqartarneri, politiini sulisuusut pillugit
pinerluttulerinermut tunngasut suliassat suliarineqartarneri kiisalu politiit aku-
liunnerisa kingunerisaannik toqusoqarsimatillugu imaluunniit pineqartunik
politiinit tigummineqarnerup nalaani annertuumik ajoqusertoqarsimanerani-
misissuinerit.

Tamatumunnga naapertuuttumik matumuuna ukioq 2015-imut nalunaarusior-
punga.

Nalunaarusiami Kalaallit Nunaanni Politiit pillugit naammagittaalliuutini-
k aalangiiniartartut nalunaarusiaata ilaa ilanngunneqarpoq.

København, oktober 2017

Ole Hasselgaard

1. 2015-imi sulineq nalinginnaasoq

1.1 Aallaqqaasiut

Kalaallit Nunaanni Politiit pillugit naammagittaalliuutinut aalajangiiniartartut 1. januar 2000 aallartinneqarput, ukiullu tamaasa Rigsadvokati Kalaallit Nunaanni Politiit pillugit naammagittaalliuutit suliarineqarsimaneri nalunaarusiarisarpai. Siornatigut nalunaarusiarineqarsimasut unnerluussisussaatisut nittartagaanni www.anklagemyndigheden.dk-mi pissarsiarineqarsinnaapput. 2000-imut, 2001-imut aammalu 2002-mut nalunaarusiani aaqqissuussinermi tunngaviusut sukumiisumik sammineqarsimapput aammalu politiit unnerluussisussaatisaasullu aaqqissuunneqarnerisa suliaasallu allaaserineqarneri. Kalaallit Nunaanni politiit pillugit naammagittaalliuutinik aamma pinerluttoqarsimatillugu suliaqartarnernut tunngasut pillugit inatsit nr. 905 16. december 1998-imeersoq aamma nalunaarutit kaajallaasitalu ilanngussatut naqinneqarlutik ilanngunneqarput.

Inatsimmi nr. 305 30. april 2008-meersumi, 1. januar 2010 atuutilersumi, Kalaallit Nunaanni eqqartuussisarnermik inatsit nutaaq akuerineqarpoq. Taamaattorli Kalaallit Nunaanni politiit pillugit naammagittaalliuutit aammalu pinerluttuleraluni suliat suliarineqartarnernannut malittarisassat inatsimmi 1998-meersumi immikkut naleqqussarneqarpoq.

Nalunaarusiami matumani 2015-imi politiit pillugit naammagittaalliuutit toqqakkat misissorneqarput. Aammattaaq naammagittaalliuutit pineqartut pillugit kisitsisinnngortinneqarneri ilaapput.



2. Suliat kisitsisinngorlugit nalunaarsorneri aamma naammagittaalliutit aalajangersimasut

2.1 Politiit pillugit naammagittaalliutinik aalajangiini-artartut suliaat pillugit naammagittaalliutit tiguneqarsimasut kisitsisinngorlugit takussutissiaq

Politiit pillugit naammagittaalliutit tiguneqartut amerlassusaat nalunaarusiorfimmi 2015-imi 12-iupput nalunaarusiorfimmi 2014-imi 15-iusimallutik. § 17, imm. 2 malillugu misissuinerimik ataatsimik aallartitsisoqarpoq, suliallu inuit toqusimanerannut imaluunniit annertuumik ajoqusersimanerannut, politiit akuliussimanerisa kingunerannik imaluunniit pineqartut politiinit tigummineqarnerisa nalaanni pisimasunut tunngasuupput.

Tabel 1. Politiit pillugit naammagittaalliutit politimesterimi tiguneqarsimasut¹⁾

Tiguneqarsimasut ukiuni	2008	2009	2010	2011	2012	2013	2014	2015
Politiit iliuusaannut naammagittaalliutit	12	8	6	9	8	8	10	8
Politiit pinerluttuliorsimaneranut naammagittaalliutit ²⁾	14(0)	10(1)	11(7)	8(1)	7(3)	3(1)	5(0)	4(2)
§ 17, imm. 2 malillugu misissuinerit	3	3	1	1	1	1	1	1
Aaqqissuussineq malillugu suliat katillugit	29	21	18	18	16	12	16	13

Nassuiaatit:

1) Politiit pillugit naammagittaalliutit Rigsadvokatimit tiguneqarsimasut, **takuuk tabel 7**

2) Angallannermut tunngasut ungaluusigaapput

2.2 Politiit pillugit naammagittaalliutininik aalajangiini- artartut suliaannut tunngasut aalajangiiffigineqarsimasut

Ukiuni nalunaarusiorfiusuni 2015-imi Kalaallit Nunaanni politimesterip suliat arfinillit aalajangiiffigisimavai, 2014-imi 14-it aalajangiiffigisimallugit. Politimesterip oqaatigaa kisitsisit appasinnerannut pissutaasut ilaat tassaasoq 2015-imi politiit pillugit naammagittaalliutininik suliaqartartunut atorfiit inuttaqarsimannginnerat.

Tabel 2. Politiit pillugit naammagittaalliutininik aalajangiiniartartut suliaat aalajangiiffigineqartut

Aalajangiiffigineqarfigineqartut	2008	2009	2010	2011	2012	2013	2014	2015
Politiit iliuusaannut naammagittaalliutit	16	9	9	9	4	8	8	2
Politiit pinerluttuliorneri ¹⁾	18(2)	13(0)	8(4)	7(1)	11(3)	5(3)	5	2
§ 17, imm. 2 malillugu misissuinerit	1	2	2	2	1	1	1	2
Aaqqissuussineq malillugu suliat katillugit	35	24	19	18	16	14	14	6

Nassuiaatit:

1) Angallannermut tunngasut ungaluusaappaat

2015-ip naanerani suliat 20-t Kalaallit Nunaanni politimesterimi suliarineqarput 2014-imi 11-usimallutik

Tabel 3. Politiit pillugit naammagittaalliutininik aalajangiiniartartut suliassaat 31. december ingerlasut

	2008	2009	2010	2011	2012	2013	2014	2015
Illiutsit pillugit naammagittaalliutit	10	9	8	6	10	9	6	14
Pinerluttuliornerit ¹⁾	11	7(1)	11(4)	10(2)	8(3)	3	4	6(2)
§ 17, imm. 2 malillugu misissuinerit	2	2	2	1	1	1	1	0
Katillugit	23	18	21	17	19	13	11	20

Nassuiaatit:

1) Angallannermut tunngasut ungaluusaappaat

2.2.1 Iliusaasut pillugit naammagittaalliutit aalajangikkat kisitsisnngorlugit
Iliusaasut pillugit naammagittaalliutit aalajangiiffigineqarsimasut kisitsisnngortinneqarnerat, naammagittaalliutitut politeeqarfinni isumaqatigiissutaasimasunut (nalunaarsukkanut) paasisutissanik naammagittaalliutininik utertinneqarsimasunik naammagittaalliutinillu itigartitsissutigineqarsimasunik imaqarput. Aammattaaq suliat politiit ataasiakkaat aamma/imaluunniit "aaqqissuussaaneq" isornartorsiussallugit imaluunniit pisoq ajuusaarutigissalugulu tunngavissaqarsimavoq.

2015-imi iliusaasut pillugit suliat marluk aalajangiiffigineqarput. Suliani taakkunannga ataaseq tunngavissaqanngitsut itigartitsissutigineqarpoq – suliaq immikkoortumi **3.4-mi** eqqartorneqarpoq. Suliap aappaa nalunaarusiatut naammassineqarpoq – suliaq taanna immikkoortoq **3.1-imi** eqqartorneqarpoq.

Tabel 4. Suliat iliusaasunut tunngasut aalajangiiffigineqarsimasut

Suliat iliusaasunut tunngasut aalajangiiffigineqarsimasut	2008	2009	2010	2011	2012	2013	2014	2015
Naammagittaalliutit politeeqarfimmi isumaqatigiissutigineqartut ¹⁾	0	1	1	0	2	1	1	1
Naammagittaalliutit utertinneqartut ²⁾	2	0	0	0	0	0	0	0
Naammagittaalliutit tunngavissaqanngitsut utertitat ²⁾	12	6	7	7	2	6	5	1
Isornartorsiorneqanngilaq ajuusaarutigineqarpoq ³⁾	1	2	1	1	0	0	0	0
Isornartorsiuinissamut tunngavissalik ⁴⁾	1	0	0	0	0	0	2	0
Aaqqissuussinnermut isornartorsiuiunerit ⁵⁾	0	0	0	0	0	0	0	0
Allat ⁶⁾	0	0	0	1	0	1	0	0
Katillugit	16	9	9	9	4	8	8	2

Nassuiaatit:

1) Nalunaarsukkat.

2) Tassani pineqarput ilaatigut suliat tunngavissaqanngitsut, misissuinerit naammagittaalliummut naapertuutinningsut aammalu suliani paasisutissat imminnut paarlangasut ("naligiinnartut").

3) Suliami pisup naammagittaalliortumut utoqqatsissutigineqarnera, naak politiitut sulisup iliusaata isornartorsiornissaanut patsisissaqanngikkaluatoq.

4) Politiitut atorfeqartup iliusaanik isornartorsiuiineq

5) Ingerlatseriaatsimut nalinginnaasumut aaqqissuussinerup isornartorsiorneqarnera

6) Suliaq unitsinneqarsimasooq pineqarpoq, ilaatigut naammagittaalliortup politimesterip saaffiginnissutaanut qisuariarsimanginnera pissutigalugu.

2.2.2 Suliat pinerluttulerinermut tunngasut aalajangikkat kisitsisinngorlugit

Sulianut *pinerluttulerinermut* tunngasunut kisitsisitigit takussutissiaq imaqarpoq sulianut paasissutissanik nalunaarutiginninnernik tunuartinneqartunik piviusorsiorumik suliarineqanngitsunik aamma sulianik paasiniarneri unitsinneqartunik imaluunniit uparuanneqanngiinnartussanik.

2015-imi suliat pinerluttulerinermut tunngasut marluk aalajangiiffigineqarsimapput. Suliat taakku marluusut immikkoortumi **3.2-mi** eqqartorneqarpoq.

Tabel 5. Suliat pinerluttulerinermut tunngasut aalajangiiffigineqarsimasut ¹⁾

Aalajangiiffigineqartut	2008	2009	2010	2011	2012	2013	2014	2015
Nalunaarut itigartitsissutigineqarpoq ²⁾	2	3	1	1	0	1	1	0
Misissuineq unitsinneqarpoq / unnerluussineq taamaatinneqarpoq ³⁾	11	9	4(1)	2	7	3(3)	4	0
Unnerluussinissamut tunngavissalik ⁴⁾	2(2)	1	3(3)	4(1)	3(2)	1	0	2
Allat ⁵⁾	3	0	0	0	1	0	0	0
Katillugit	18	13	8	7	11	5	5	2

Nassuiaatit:

1) Suliat angallannermut tunngasut ungaluussigaapput.

2) Eqqartuussisarnermi inatsit § 337, imm. 2 malillugu akerlianik itigartitsineq.

3) Taakkunanani pineqarput suliat, eqqartuussiveqarneq pillugu inatsimmi § 338, imm. 3 malillugu (inuit pasineqanngitsut), akerleriimmata, unitsinneqarsimasut aamma suliat eqqartuussiveqarneq pillugu inatsimmi § 312 malillugu uparuaaffigi-neqarnissai taamaatiinnarneqarsimasut (inuit pasineqartut).

4) Taakkunanani pineqarput suliat, unnerluussissutaasimasut, akiligassiissutaasimasut imaluunniit mianersoqqussummik nalunaarfigineqarsimasut..

5) Taakkunanani pineqarput suliat utertinneqarsimasut, annikitsut (angallannermut tunngasut) il.il.

2015-imi sulianik marlunnik § 17, imm. 2 malillugu suliarineqartunik aalajangiisoqarpoq (misissuinerit inuup toqusimaneranut imaluunniit annertuumik ajoqusersimaneranut, politiit akuliussimanerisa kinguneranik). Suliap aappaa nalunaarusiami 2014-imi immikkoortumi **3.3-mi** sukumiinerusumik eqqartorneqarpoq, aappaalu matumani immikkoortoq **3.3-mi** eqqartorneqarluni.

Tabel 6. § 17, imm. 2 malillugu misissuinerit aalajangiiffigineqarsimasut

§ 17, imm. 2 malillugu aalajangiiffigineqartut	2008	2009	2010	2011	2012	2013	2014	2015
Misissuinerit unitsinneqartut	1	2	2	0	1	1	1	2
Allat	0	0	0	2	0	0	0	0
Katillugit	1	2	2	2	1	1	1	2

2.3 Suliat Rigsadvokatimit aalajangiiffigineqartut kisitsisinngorlugit

Ukiumi nalunaarusiorfiusumi Rigsadvokati pinerluttuleraluni sulianik siullermi-ikkatut suliamik ataatsimik tigusaqarnikuuvoq.

2015-imi politimesterip aalajangigaanut naammagittaalliiummik ataatsimik Rigsadvokati tigusaqarnikuuvoq. Suliat taakku marluusut immikkoortoq 3.4-mi eqqartorneqarput.

Tabel 7. Politiit pillugit naammagittaalliutit Rigsadvokatimut takkussortut immikkoortiternerat

Suliassaq takkuttooq i	2008	2009	2010	2011	2012	2013	2014	2015
Suliaq uannga naammagittaalliutaavoq								
– politiitutorfilimmit	0	0	0	0	0	0	0	0
– innuttaasumit	1	1	0	0	0	0	1	1
– politiit pillugit naammagittaalliutininik aalajangiisartut	0	0	0	0	0	0	0	0
Suliat siullermiikkatut Rigsadvokatimit suliarineqartut	3	0	0	0	1	0	0	1
Katillugit	4	1	0	0	1	0	1	2

3. Suliat aalajangersimasut misissorneri

Sulianik aalajangersimasunik misissuinerup suliat nalinginnaasut arlariiaat 2015-imi suliarineqartut erseqqissaavigineqarnissaat siunertaraa.

3.1 Inatsimmi kapitali 2 – iliuusaasut pillugit naammagittaalliuutit

Politimesterip 2015-imi politiit sulinerminni iliuusaannut naammagittaalliuutit marluk aalajangiiffigivai, tak. immikkoortoq 2.2.1. Suliap aappaa nalunaarusiatut suliarineqarpoq. Ataani nassuiaatigineqarpoq. Suliap aappaa immikkoortoq 3-4-mi nassuiaatigineqarpoq.

Politiit sorraatsumik saaffiginnissimanerat pillugu naammagittaalliuut
(55PM-00171-00001-14)

Assersuut 1

Innuttaasup B’p politiit attavigai ikiortiseriniarlugit, B’p kissaatiginngisaanik innuttaasumit allamit K’mit arlaleriarluni attavigineqartarsimagami. Tamanna tunngavigalugu Politiip P’p telefonikkut K attavigaa qinnuigalugu B attavigi-naveersaaqullugu.

Kingornatigut K’p naammagittaalliuutigaa P’p telefonikkut oqaluummani sorraatsumik pissuseqarsimammat, P’p soqutigisimannikkaa suliaq pillugu K’p oqaasissaanut soqutiginningissimanera, aammalu oqaluunnermi P’p K naveer-simamagu. Aammattaaq K’p oqaatigaa iluamik paasinagu sianernermut suna pissutaanersoq.

K’p naammagittaalliuutaa tunngavigalugu politeeqarfimmi aqutsisoq L K’mut telefonikkut attaveqarpoq nassuiaatigalugu P’p K’mut sianersimanera pissutigalugu sianerluni. L’ip ajuujaarutigaa P’kkut K’llu oqaloqatigiinnerat nuanniissimammat, aammalu politiit sianernerata sumik tunngaveqarneranik K naammattumik nassuiaanneqarsimanngitsoq, kiisalu politiiniit kina K’mut sianersimanersoq.

Aammattaaq K nassuiaanneqarpoq oqaloqatigiinneq pillugu K’p isumaqar-nera L’ip P’mut apuukkumaaraa, aammalu L’ip aammalu K’p oqaloqatigiinnera nalunaarusiarineqarumaartoq. Tamatumunnga K paasinnippoq.

Nalunaarusiaq politimesterip tusaatissatut tiguaa suliamilu allanik iliuuseqaqqigani.

Politimesterip aalajangiineranik Politiit pillugit naammagittaalliutunut aalajangiiniartartut paasitinneqarput.

3.2 Inatsimmi kapitali 3 – pinerluttuleraluni suliat

Aalajangersagaq § 17, imm. 1 malillugu, politimesteri nalunaarutiginnissut malillugu imaluunniit nammineq ingerlatsinermigut paasiniaaqqissaarilertassaaq, politiiunut sulisut sulinerminni pinerluuteqarsimanerat pasitsaanneqaraangat.

Innuttaasup nalunaarutiginninnera tunngavigalugu paasiniaaqqissaarneq aallartinneqartarpoq. Aammattaaq politimesterip paasiniaaqqissaarneq aallartittarpaa, pinerluttoqarsimasinnaaneranut politiit paasissutissanik ilisimatinneqaraangata.

2015-imi pinerluttuleraluni sulianik marlunnik aalajangiisoqarpoq, tak. imikkooortoq 2.2.2.

Assersuut 1

Kommunefogedip nakuusersimanera pillugu nalunaaruteqarneq

(55PM-00174-00002-15)

Politimesteri politieeqarfimmit nalunaarfigineqarpoq, pisiniarfimmi tillinniar-toqarneranut atatillugu suliami kommunefoged K innuttaasumut B'mut nakuusersimasoq, suliami B pasineqarsimasoq.

K politiinit killisiorneqarami nassuerpoq B marloriarluni isassimallugu.

Suliami paasinarsivoq K pisiniarfimmi B'p tillinniarfigisaani sulisuusimasoq, aammalu ulloq taanna tillinniar-toqareersoq B pisiniarfimmut utermat nakuuserneq pisimasoq, aammalu K tillinniar-toqarsimaneranik paasitinneqarsimasoq.

Suliami pisut politimesteri eqqarsalersippaat suliaq Politiit pillugit naammagittaalliutunut aalajangiiniartartut piginnaatitaaffiunut attuumassuteqarner-soq, nalorninarmat K kommunefogeditut imaluunniit inuinnartut nakuusersi-manersoq.

K'p ulloq taanna siusinnerusukkut kommunefogeditut atuussimanera nangiinnarlugu nakuusernerup pisanera eqqarsaatigalugu, aammalu K'p nammineq nassuiaanera malillugu nakuusernermini nunaqarfimmi eqqissisimatitsinissaaq eqqarsaatigisimallugu, politimesteri isumaqarpoq suliaq Politiit pillugit naammagittaalliutunut aalajangiiniartartunut saqqummiunneqartariaqartoq.

Tamatuma kingornatigut politimesterip K nakuusersimasutut unnerluutigaa.

Politimesterip aalajangiineranut Politiit pillugit naammagittaalliuutinut aalajangiiniartartut isumaqataapput.

K eqqartuussivimmi pisuutinneqarpoq mianersoqqussummillu tunineqarluni. Pillaanerup aalajangiiviginissaanut K'p inuttut atugai pitsaasut eqqartuussiviup tunngavilersuutigai.

Suliaq politimesterip Nunatta Eqqartuussisuuneqarfianut suliareqqitassanngortippaa. Eqqartuussisuuneqarfimmi pillaat ukiumik ataatsimik misilinneqarfiliilluni utaqqisitamik ulluni 30-ni inissiisarfimmiittussanngortitsilluni sakortusineqarpoq.

Sulip nalunaarutigineqarnerata kinguninngua K qinnuteqareerluni akuerineqarluni soraarpoq.

Politiip peqquneqarani pinerluttut allattorsimaffiannut ujaasisimanera

Assersuut 2

(55PM-00174-00004-14)

Inatsisartunut qinersisoqalernerata nalaani Politimesterip paasitinneqarpoq politikereq ataaseq pinerluttunut allattorsimaffimmi peqquneqanngitsumik ujaasiffigineqarsimagunartoq. Tamanna tunngavigalugu Politimesterip Rigspolitiit qinnuigai pineqartoq pillugu pinerluttunut allattorsimaffimmi kina ujaasisimanersoq paasiniaqqullugu.

Rigspolitiit misissuinerisa takutippaat politeeq P pineqartoq pillugu pinerluttunut allattorsimaffimmi ujaasisimasoq.

P'p nassuerutigaa sulinerminut pissutissaqarani pineqartoq pillugu ujaasisimalluni. P'lli nassuiaatigaattaaq ujaasinerminut paasissutissat ingerlateqqisimanagit.

Tamanna tunngavigalugu atorfirmik atornerluineq pillugu pinerluttulerinermik inatsimmi § 49-mik unioqqutisisimasutut suliaq akiligassiinermik 2.000 kr.-inik annertussusilimmik aalajangiiffigaa.

Aalajangiinermut Politiit pillugit naammagittaalliuutinut aalajangiiniartartut isumaqataapput.

Politimesterip suliaq aalajangiiffigereerlugu paasivaa pinerluttulerinermik inatsimmi § 21, imm. 1, nr. 1 malillugu pisoqalisoonissamut piffissap killinga qaangereersorlu akiligassiissut tunniunneqarsimasoq. Tamanna Politimesterip Politiit pillugit naammagittaalliuutinut aalajangiiniartartunut nalunaarutigaa, tamatumalu saniatigut Rigspolitiinut innersuussutigalugu suliaq disciplinæritut aalajangiiffigisariaqartoq.

Tamatuma kingorna Rigspolitiit suliaq disciplinæritut akiligassiissutitut 1.000 kr.-imik annertussusilimmik aalajangiiffigaa.

3.3. § 17, imm. 2 malillugu misissuinerit

2015-imi suliat marluk inatsimmi § 17, imm. 2 malillugu aalajangiiffigineqarput, taakkulu politiit akuliunnerannik patsiseqartumik, imaluunniit pineqartup politiinik tigummineqarnerata nalaani inuup toqusimaneranut imaluunniit annertuumik ajoqusersimaneranut tunngapput. Suliaq aappaa Rigsadvokatip 2014-imi Kalaallit Nunaanni Politiit pillugit naammagittaalliutit suliarineqartarnerat pillugu nalunaarusiaani eqqartorneqarpoq, immikkoortoq 3.3-mi. Suliaq aappaa uani ataani eqqartorneqarpoq.

Assersuut 1

Politiit innuttaasumut eqqaassisimanerat

(55PM-00175-00001-15)

Politimesteri nalunaarfigineqarpoq innuttaasoq B ilaqtaminut sakkortusaarsimasoq. B peqqarniitsutut politiinit ilisimaneqareerpoq. Politiit sisamat sumiiffimmukaanneqarput. Politiit P1'ip aammalu P2'p piffimmut apuukkamik paasiivaat B illup initaaniittoq.

Politiit arlaleriarlutik B qinnuigisaraluarpaat anillaqqullugu, B'li piumanngilaq. B igaffiliarpoq, tassani savik aallugu. Kingornatigut P1'ip aammalu P2'p illuinnaarsuutitik tiguaat, B'lu tamatuminnga paasitillugu, aammalu B naalakkerneqarluni savik ileqqullugu anillaqqullugulu. B politiit piumaffiginninnerannut malinninngilaq, inimukarlunili, ilisimannittut marluk isersimaffigisaannut. Politiit piumaffiginninnerannut B sulii malinninngimmat P1 ataasiarluni igippoq, B sakiaatigut eqqorlugu.

Igittoqareersoq B P1'ip aammalu P2'p tungaanut ingerlavoq, B'lu seeqqummerpoq. P1'ip aammalu P2'p ajugaaffigaat savimmillu arsaarlugu, kingornalu ambulancenik aggersaapput ikiueqqaarlutillu.

Kalaallit Nunaanni politiit sulisut pillugit naammagittaalliutit aammalu pinerluttuleraluni suliat suliarineqartarnerat pillugu inatsimmi § 17, imm. 2 malillugu misissuineq Politimesterip aallartippaa.

B'p suliamut nassuiaatigaa pisoq tamaat eqqaamanagu, kisiannili eqqaamalugu politiit savimmik tikkuuqqasimallugit, aammalu politiit oqalussimasut eqqissinngippat iginniarlutik. Taakku saniatigut B'p nassuiaatigaa savik iliar-torniarlugu igaffimmukarnermini aallaaneqarsimalluni.

Politiit najuussimasut sisamaasut nassuiaatigaat B – igittoqannginnerani – qinnuigineqarsimasoq inimut iseqqunagu. P1'ip aammalu P2'p nassuiaatigaat B inimukartoq aallaaneqarsimasoq.

Politiit aammalu ilisimannittut nassuiaataat tunngavigalugit Politimesterip tunngavilersuutigaa igittoqarnerata nalaani B igaffiliarsimanngitsoq, kisiannili B inimukarsimasoq, ilisimannittut isersimaffigisaannut.

Politimesteri isumaqarpoq P1'ip iginnermini nammineq allalluunniit navi-anartorsiussanngippata aallaammik atuinissaq pisariaqarsimasoq, B savimmik tiggummiarluni inimukarsimammat inuinnaat allat isersimaffigisaannut, ilaati-gut inuk ataaseq B'p siusinnerulaartukkut nakuuserfigisimasaa. Aammattaaq Politimesterip tunngavilersuutigaa pisup navianarnera pissutigalugu allanik sakkukinnerusunik sakkoqarnissamut periarfissaqarsimannginnera eqqarsaati-galugu P1'ip illuinnarsuumminik atuisimanera tunngavissaqarsimasoq.

Tamatuma kingorna Politimesteri isumaqarpoq aallaanninnissamut male-ruagassat malillugit aallaanninnissamut piumasaqaatit piusimasut, aammalu pisumi timaata tungaanut igissimaneq tunngavissaqarluni sakkulersornerusi-masoq, tamannalu saassussinerup navianassusaanut, saassussisumut aammalu inatsisitigut illersukkap pingaassusaanut sinniivallaarsimanngilaq.

Tassunga atatillugu Politimesterip innersuussutigaa P1'ip pisumi pinerluttoq sakkulersortoq qanittuararsuusimagaa, aammalu najuuttut allat eqqarsaati-gissagaanni tigusarinninniassagaannilu P1 tunuarternissamut periarfissaqarsi-manngitsoq.

Tamatuma kingornatigut Politimesterip suliaq taamaatippaa, isumaqarami pisumi politiit naleqqutinngitsumik kukkusumilluunniit iliuuseqarsimanerat ilimanaateqanngitsoq.

Politiit pillugit naammagittaalliutinut aalajangiiniartartut aalajangiinermut isumaqa-taapput.

3.4 Suliat Rigsadvokatimit suliarineqarsimasut

Inatsimmi kapitali 5-imi malittarisassanik ilanngussisoqarsimavoq Rigsadvo-katip suliarinnittarneranut politimesterimut imaluunniit politimestereqarfimmi sulisunut tunngatillugu (politimestereqarfimmi inatsisilerituut politiitullu ator-fillit amerlanngitsut, politimestereqarfiup allatseqarfiani sulisut) iliuusaasut pillugit naammagittaalliutit aamma suliat pinerluttulerinermut tunngasut. Rigsadvokati inatsit malillugu periarfissaqarpoq statsadvokat suliani pinerlut-toqarsimaneranik paasiniaatissallugu, mannali tikillugu suliasat taamaattut nammineerluni suliarisarpai.

Rigsadvokati 2015-imi suliarinneqqaartut suliamik ataatsimik tigusaqarnikuuvoq. Aammattaaq ukiumi nalunaarusiorfiusumi politimesterip aalajangi-gaanut naammagittaalliummik ataatsimik tigusaqarnikuuvoq. Suliaq matuma ataani eqqartorneqarpoq.

Assersuut 1

Kalaallit Nunaanni Politimesteri nalunaarutigineqarpoq inuttaasumik eqqartuussisutigoortumik suliaqkiisimanngimmat

(55PM-00170-00034-15, SAK-2010-362-0001, RA-2015-362-0012)

Inuttaasq B nalunaaruteqarpoq, kommunaldirektøriusimasup eqqartuussivikkoortumik suliaqkiisimannginneratigut politimesterip aqqissuussamik pinerlunneq isertuussimagaa, pinerlunneq nunatsinni kommunep aammalu qallunaat politiivisa akunnerminni pisortani sullissinermi pinerlunneruneragaasoq.

Suliaq Politimesterip Rigsadvokatimut suliarissassanngorlugu ingerlatippaa, tunngavilersuutigalugu politimestereqarfimmik nalunaarutiginninnerusoq, taamaallillunilu mestereqarfik qanippallaartoq.

Rigsadvokatip suliaq Københavnimi Statsadvokatimut ingerlatippaa, innersuussutigalugu ukiut 13-it missaanni tamatuma siornatigut aalajangiineq, politimesterip aalajangiussimasaa, atortiinnarsimmagu, pineqarluni kommunaldirektøriusimasup ilaatigut siorasaaralunilu atorfimmini suliaassanik isumaginninnngissimasutut nalunaarutigineqarneranut misissuiffigineqarnerata taamaatinneqarnissaa, taamaallillunilu Rigsadvokati qanippallaarluni.

Statsadvokatip aalajangiuppaa suliaq misissuiffigineqarnissaanut aallartit-sissalluni tunngavissaqanngitsoq. Tassunga atatillugu Statsadvokatip pingaartippaa paasissutissanik, nalunaarutiginninnermut uppersaataasunik imalu- unniit politimesterip pinerlussimasinnaaneranut uppersaataasinnaasunik, soqannginnera.

Aammattaaq Statsadvokatip pingaartippaa, kommunaldirektøriusimasumik misissuinnermik taamaatitsinissamut politimesterip aalajangiinera immini politi- mesterip pinerlussimanissaanut uppersaataasinnaannginnera.

Tamanna tunngavigalugu Statsadvokati isumaqarpoq pinerluttoqarsimanis- saa ilimanaateqanngitsoq.

Politiit nukersorsimanerat aammalu isertitsivimmut inissiinermi oqaatsit ator-neqarsimasut pillugit naammagittaalliuut

(55PM-00173-00006-14, RA-2015-362-0009)

Anaanaasup panini 15-inik ukiulik K sinnerlugu naammagittaalliuuteqarpoq, politeeq P K isertitsivimmut isertinneqarmat K'mut nikassaarpaluttutut oqalus-simasoq, K atisaanik aseruillunilu arsaarinnissimasoq, aammalu K'mut sakkor-tusaarsimasoq.

P'p nassuiaatigaa K isertitsivimmut inissinneqarnermini aqutassaasimanngit-soq. K nilliasimavoq arlaleriarlunilu atisami ilai qungatsiminut sukagussimagai. Taamaattumik P isumaqarsimavoq K'p atisaata ilai qiortartariaqarsimasut atisat K'p qungasianit peerniarlugit. P'p nassuiaatigaa K atisaanit peerniarlugu taamaallaat K tigusimallugu. P'p nangartarsinnaanngilaa tamatuma kingu-nerisaanit K tungujorneqalersimassappat, nassuiaatigaluguli K ikiorniarlugu taamaalisimassasoq. Aammattaaq P'p nassuiaatigaa P'p K "meerapalaamik" assigisaanilluunniit taaratarsimasinnaallugu, kisiannili K'p aqussinnaanngin-neranit pissuteqartoq.

Politimesterip aalajangiinermi pingaartippaa K ikiorniarlugu atisai P'p qiortartariaqarsimammagit. Tamanna tunngavigalugu Politimesteri isumaqar-poq isertitsivimmut inissiilernerimi P'p pissusilersuutai isornartorsiussallugit tunngavissaqanngitsaq.

Aammattaaq Politimesterip tunngavilersuutigaa P'p K'mut "meerapalaamik" assigisaanilluunniit oqalussimanera. Politimesteri isumaqarpoq P'p oqaasii tul-luarpallaarsimanngitsut. Pisumili K'p aqussaasimannginnera aammalu nillia-saqattaarnera, aammalu K arlaleriarluni atisaminik qungatsiminut sukagussi-simammagat, politimesteri isumaqarpoq paasinartooq K'p pissusilersorneranut P ajorinnissimappat.

Tamanna tunngavigalugu naammagittaalliuut tunngavissaqanngitsutut Poli-timesterip itigartitsissutigaa.

Politiit pillugit naammagittaalliuutinut aalajangiiniartartut aalajangiinermut isumaqataapput.

Politimesterip aalajangiinera nivarsiaqqap arnaata Rigsadvokatimut naammagittaalliuutigaa, taassumalu Politimesterip aalajangiinera atuutsip-paa, Rigsadvokati – politimesterit – isumaqarami oqaaseq "meerapalaq" assigisaaluunniit atussallugut tulluurtuunngitsaq. Politimesterit Rigsadvokati isumaqarpoq paasinartooq pisumi K'p pissusilersorneranut P ajorinnissimappat.

Assersuut 2

Kalaallit Nunaanni Politiit pillugit naammagittaalliuutinut aalajangiiniartartut 2015-imut nalunaarusiaat

Kalaallit Nunaanni Politiit pillugit naammagittaalliuutinut aalajangiiniartartut 2015-imi sulianik nutaanik aqqanilinnik tigusaqarput, ukununnga agguataarsi-masunik:

Suliat takkuttut	2015	2014	2013	2012	2011	2010	2009	2008
Suliat nalunaarusiarineqartut	1	1	0	0	0	2	1	0
Iliusaasut pillugit naammagittaalliuutit	3	8	8	6	5	6	6	15
Pinerluttuleraluni suliat	2	4	3	8	6	2	9	14
17.2-suliat	3	0	1	3	2	1	1	2
Suliat aqqusinertigut angallannermut tunngasut	2	0	1	5	1	5	0	0
Misissuilluni suliat	0	0	1	1	1	2	2	0
Suliat katillugit	11	13	14	23	15	18	19	31

Ukiup ingerlani Aalajangiiniartartut suliat aqqaneq-marluk aalajangiiffigivaat, imatut agguataarsimasut:

Suliat takkuttut:	2015	2014	2013	2012	2011	2010	2009	2008
Suliat nalunaarusiarineqartut	1	1	1	0	0	2	1	0
Iliuusaasut pillugit naammagittaalliuutit	4	8	7	3	9	5	8	15
Pinerluttuleraluni suliat	3	5	3	8	5	2	10	18
17.2-suliat	2	1	1	2	2	1	1	2
Suliat aqqusinertigut angallannermut tunngasut	2	0	2	3	1	5	0	0
Misissuilluni suliat	0	0	1	1	3	0	0	0
Suliat katillugit	12	15	14	17	18	18	20	35

Ukiup naanerani suliat qulingiluat ingerlapput, suliat Kalaallit Nunaanni Politimesterimit aalajangiiffigineqarnissamut utaqqisut. Taakkunanga marluk 2012-imeersuupput, ataaseq 2014-imeersuulluni sinnerilu 2015-imi takkuttuullutik.

2015-imi naammagittaalliuutit amerlassusaat 2000-imiilli aaqqissuussinerup atuutilersinneqarneraniit suliat takkuttut agguaqatigiissillugu amerlassusaanniit suli appasinnerupput.

Pinerluttuleraluni suliani pingasuusuni politiit sulisut pineqartut pillugit naammagittaalliuutaasuni unnerluussisoqarsimavoq. Suliami ataatsimi pisiniarfimmi tillinniartoqarneranut atatillugu kommunefogedip kiinnakkut anaasisimanera pillugu unnerluussisoqarpoq. Suliaq ataaseq politiip atorfimminik atornerluilluni suliaminut attuumassuteqanngitsumik pinerluttut allattorsimaffiannut inummik aalajangersimasumik peqquneqarani ujaasisimaneranut tunngavoq. Politeeq pineqartoq unnerluussisutigineqartumut pisuulluni nasuerpoq. Pinerluttuleraluni suliaq kingulleq ullormusiat pillugit maleruagassat akkerliannik politiit sulisup angalasimanermi naatsorsuusiarisimasaanut tunngavoq.

Aqqusinertigut angallannermut suliani marluusuni politeeq pineqartoq akiliggassinneqarpoq, suliallu aalajangiiffigineqarsimasut aappaani politiit sulisup

unioqqutitsisimanerani eqqartuussivik pisuutitsivoq, akiligassarli atorunnaarsinneqarsimavoq suliamik suliarinnilluni piffissaq atorneqartoq sivisuallaarmat.

Iliuutsit pillugit suliani aalajangiiffigineqarsimasuni politimesteri suliani marlunni pisoq pillugu politiitut sulisup ajuusaarnera akuerivaa. Taakku saniatigut suliani isornartorsiussalluni tunngavissaqarsimanngilaq.

§ 17, imm. 2 malillugu suliani, politiit tigummigallaanerini ajoqusertoqarsimanera pillugu, isornartorsiussalluni tunngavissaqarsimanngilaq.

Suliani tamani politimesterip uppersaanaaranut aammalu sulianut aalajangiineranut aalajangiiniartartut isumaqataasimapput.

Ukiup ingerlanerani Politiit pillugit naammagittaalliuutinik aalajangiiniartartut sulianik aalajangiinissamut tallimariarlutik ataatsimiittarsimapput.

Ukiup ingerlanerani Aalajangiiniartartut naammaginarluinnartumik Kalaallit Nunaanni Politimesterimik aammalu Rigsadvokatimik suleqateqarput.

Nuuk, ulloq 19. april 2016

Kalaallit Nunaanni Politiit pillugit naammagittaalliuutinik

Aalajangiiniartartut siulittaasuat:

Anita Strauss Sørensen

Suliaasimasunik nalunaarsuut

Rigsadvokatens j.nr.

RA-2016-360-0094

RA-2015-362-0012

Statsadvokaten i Københavns j.nr.

SAK 2016-362-0001

Kalaallit Nunaanni Politimesterip j.nr.

55PM-00170-00034-15

55PM-00173-00006-14

55PM-00174-00002-15

55PM-00174-00004-14

55PM-00171-00001-14

55PM-00175-00001-15

Ilanngussaq

Ilanngussaq 1

Ilanngussaq 1: Kalaallit Nunaanni politiit pillugit naammagittaalliuutinik Aalajangiiniartartut 19. marts 2014 ilaasortai:

Kalaallit Nunaanni Politiit pillugit naammagittaalliuutinik Aalajangiiniartartut
Fjeldvej 16
Postboks 59
3900 Nuuk

Siulittaasoq:
Advokat Anita Strauss Sørensen
Advokat Jens Paulsen (sinneissusaq)

Inuinnag sinneissussallu:
Bjarke Egede
Nikoline Ziemer (sinneissusaq)

Johanne Olsen
Nitta Lyberth (sinneissusaq)



Rigsadvokaten

Frederiksholms Kanal 16
1220 København K

Telefon 72 68 90 00

